



REGLUR

um leikskólalþjónustu í Fjarðabyggð

Leikskólar Fjarðabyggðar starfa samkvæmt lögum um leikskóla nr. 90/2008, reglugerð um starfsumhverfi leikskóla nr. 655/2009 og aðalnámskrá leikskóla frá árinu 2011. Námskránni er ætlað að vísa ólíkum hagsmunaaðilum í skólasamfélaginu veginn hvað varðar stefnu og hugmyndafræði leikskólastarfs. Samkvæmt 1. gr. laga um leikskóla nr. 90/2008 er leikskólinn fyrsta skólastigið í íslensku skólakerfi og annast að ósk foreldra uppeldi, umönnun og menntun barna á leikskólaaldri.

Í Fjarðabyggð starfa fimm leikskólar, þeir eru: Eyrarvellir í Neskaupstað, Dalborg á Eskifirði, Lyngholt á Reyðarfirði, Kæribær á Fáskrúðsfirði og leikskóladeildir Breiðdals og Stöðvarfjarðarskóla.

Reglur um leikskólalþjónustu í Fjarðabyggð gilda um umsókn og innritun í leikskólana og um gjaldtöku og innheimtu fyrir leikskóladvöl. Foreldri er hér notað yfir þá sem fara með forsjá barns skv. barnalögum.

1. gr.

Umsókn og innritun

Sótt er um rafrænt á vef og umsóknareyðublöð er að finna á heimasíðum leikskólanna.. Leikskólastjórar aðstoða við að fylla út rafræna umsókn um leikskóladvöl ef þess er óskað. Sækja má um vist í leikskóla um leið og kennitala barns hefur verið skráð, og eru foreldrar hvattir til að sækja um tímanlega.

Miðað er við að börn geti hafið leikskóladvöl við eins árs aldur. Afgreiðsla umsókna og innritun barna fer að öllu jafna fram ársfjórðungslega. Þegar sótt hefur verið um leikskóladvöl fá foreldrar staðfestingu um að umsókn hafi verið móttækin. Börn innritast í leikskóla eftir fæðingardegi, þau elstu fyrst, sjá þó í 4. gr. um forgang. Hægt er að leggja inn umsókn fyrir sama barn í fleiri en einn leikskóla í Fjarðabyggð. Þrátt fyrir að barnið sækji leikskóla getur það engu að síður verið á biðlista á leikskóla í öðrum byggðakjarna.

Í þeim byggðarkjörnum þar sem leikskólar eru með biðlista með börnum eldri en eins árs, standa foreldrum til boða foreldragreiðslur á meðan beðið er eftir plássi.

2. gr.

Skilyrði fyrir leikskólaplássi

Skilyrði fyrir innritun í leikskóla er að barn eigi lögheimili í Fjarðabyggð. Barnið getur verið á umsóknarlista þótt lögheimili sé annars staðar. Undantekningu frá kröfu um lögheimili í Fjarðabyggð má veita en þá skal liggja fyrir samþykki lögheimilissveitarfélags um að greiða Fjarðabyggð hlut sveitarfélagsins í leikskólagjöldum.

Foreldrar barna sem eru tímabundið án kennitölu og lögheimilis eða eru skráð utangarðs í þjóðskrá geta sótt um leikskólapláss í Fjarðabyggð. Það er skilyrði að foreldrar og barn séu með fasta búsetu Fjarðabyggð, skv. skilgreiningu laga um lögheimili nr. 80/2018, og að gera megi ráð fyrir, að þegar lögheimili er fengið, verði það í Fjarðabyggð.

Farið er fram á staðfestingu um búsetu í Fjarðabyggð með eftirfarandi gögnum: Ríkisborgarar EES og EFTA ríkja og útlendingar sem heimilt er að dvelja á Íslandi án dvalarleyfis skv. lögum



um útlendinga nr. 80/2016 þurfa að leggja fram staðfestingu á beiðni um skráningu lögheimilis í Fjarðabyggð.

Ríkisborgarar ríkja sem ekki eiga aðild að EES eða EFTA samningnum og er óheimilt að dvelja á Íslandi án dvalarleyfis, skv. lögum um útlendinga nr. 80/2016, þurfa að leggja fram staðfestingu á umsókn um dvalarleyfi og þarf að koma fram í umsókn að viðkomandi sé skráður með heimilisfang í Fjarðabyggð.

Úthlutun á leikskólaplássi er einnig háð því skilyrði að foreldri sé ekki í vanskilum með leikskólagjöld. Dragist greiðsla í tvo mánuði er litið svo á, að undangenginni viðvörun, að plássinu hafi verið sagt lausu.

3. gr.

Úthlutun leikskólaryma, dvalarsamningur og uppsögn

Þegar barn hefur fengið úthlutað plássi í leikskóla fá foreldrar tölvubréf með upplýsingum um hvenær leikskólagangan getur hafist og skulu þeir staðfesta að þeir þiggi leikskólavistun innan sjö daga frá dagsetningu bréfsins. Hafi ekki borist staðfesting frá foreldrum innan tilskilins frests er barnið tekið af umsóknarlista, að undangengnu viðtali við foreldra, og öðru barni boðin vistun.

Leikskólastjóri tilkynnir foreldrum hvenær barnið getur hafið leikskólagöngu, eigi síðar en fjórum vikum áður en leikskóladvöl hefst. Þiggi þeir ekki leikskólavistun strax, gefst þeim kostur á að halda henni í allt að fjórar vikur svo fremi að dvalargjald sé greitt. Einnig geta foreldrar sótt um leyfi fyrir barn í allt að fjórar vikur á meðan á leikskóladvöl stendur og haldið dvalarsamningnum svo fremi að dvalargjald sé greitt.

Áður en leikskóladvöl barns hefst gera viðkomandi leikskóli og foreldrar með sér dvalarsamning. Foreldrar þurfa einnig að sækja um afslátt og skila inn staðgreiðsluskrá ef þeir telja sig eiga rétt á afslætti vegna tekjuviðmiða, sjá nánar í gjaldskrá. Með undirritun sinni staðfesta foreldrar að þeir hafi kynnt sér gjaldskrá leikskóla Fjarðabyggðar og reglur um leikskólaþjónustu og skuldbinda sig til þess að hlíta þeim eins og þær eru á hverjum tíma.

Gagnkvæmur uppsagnarfrestur á dvalarsamningi miðast við 20. hvers mánaðar og tekur gildi næstu mánaðarmót á eftir. Uppsögn dvalarsamnings skal í öllum tilfellum vera skrifleg og skilast til leikskólastjóra. Hið sama gildir um breytingar á dvalarsamningi.

4. gr.

Forgangur að leikskólaplássi

Leikskólastjóra er heimilt að veita sérstakan forgang að leikskóla til barna ef sérstakar aðstæður mæla með því. Forgangur má veita til...

- a) ...fatlaðra barna og barna með alvarleg þroskafrávik. Vottorð frá viðurkenndum greiningaraðila skal fylgja.
- b) ...barna sem búa við erfiðleika í félagsumhverfi. Vottorð frá félagsmálayfirvöldum skal fylgja.
- c) ...barna sem búa við alvarleg veikindi eða alvarlega fötluun hjá fjölskyldumeðlimum. Vottorð frá lækni eða öðrum opinberum aðilum skal fylgja umsókn.
- d) ...barna foreldra sem eru undir lögaldri (18 ára).
- e) ...barna einstæðra foreldra með þrjú eða fleiri börn á framfæri enda sé elsta barnið ekki eldra en 9 ára.
- f) ...þrjúbura.



5. gr.

Opnunartími – skipulagsdagar, skráningardagar og sumarleyfi

Almennur opnunartími leikskóla er frá kl. 07:45 til 16:15. Dvalartími er sveigjanlegur og getur verið breytilegur milli daga. Lágmarksdvöl er 20 tímar á vikur og hámarksdvöl er 42,5 tímar á viku.

Hægt er að skrá börn í breytilega dvöl í upphafi hverrar annar: Viðmiðunar dagsetningar eru 20. ágúst fyrir haustönn (sept. okt. nóv. og des.) 20. desember fyrir vorönn (jan. feb. mars og apr.) og 20. apríl fyrir sumarönn (maí, júní, júlí, ágúst).

Skiplagsdagar leikskóla eru sex á ári, og þá eru leikskólar eru lokaðir. Leikskólar opna seinna eða loka fyrir fjórum sinnum á ári vegna starfsmannafunda (ársfjórðungslega). Við gerð skóladagatals er miðað við að skipulagsdagar séu á sama tíma og starfsdagar í grunnskólum eftir því sem við verður komið. Leikskólar eru lokaðir 24. og 31. desember. Leikskólagjöld lækka ekki vegna þessa. Skipulagsdagar og dagar sem eru styttilir vegna starfsmannafunda koma fram á skóladagatölum hvers skóla ár hvert.

Skráningardagar eru samtals 20 á hverju ári. Skráningardagar er þeir dagar sem foreldrar þurfa að skrá börnin sín sérstaklega í vistun, annars er litið svo á að barn sé í fríi. Skráningar þessara daga eru í upphafi hverrar annar. Skráningardagar koma fram á skóladagatölum hvers skóla ár hvert.

Dagsetningar skráningardaga eru breytilegar á milli ára í tengslum við:

- Vetrarfrí grunnskólanna
- Jólafrí
- Páskafrí
- Dagar samkvæmt ákvörðun hvers skóla s.s. við upphaf og lok sumarleyfis og klemmudagar.

Börn í leikskólum Fjarðabyggðar taka að lágmarki fjögurra vikna sumarleyfi. Foreldrar geta boðið börnum sínum upp á allt að átta vikna sumarleyfi á tímabilinu frá 15. maí til 15. september og greiða þá hlutfallslega lægri leikskólagjöld. Beiðni um slíkt þarf að berast leikskólastjóra fyrir 20. apríl.

Sumarlokanir leikskólanna í Fjarðabyggð spanna u.þ.b. tvo mánuði. Foreldrum gefst tækifæri til að færa börn á milli leikskóla á meðan á sumarlokunum stendur.

Skólaár leikskóla miðast við 1. ágúst til 31. júlí. Börn sem hefja grunnskólanám að hausti ljúka leikskóladvöl í síðasta lagi 31. júlí.

6. gr.

Gjaldtaka

Fjarðabyggð greiðir að stærstum hluta kostnað við dvöl barna í leikskólum Fjarðabyggðar. Foreldrar greiða hluta kostnaðar í hlutfalli við þann tíma sem börn þeirra dvelja í leikskólanum, svokölluð dvalargjöld.

Dvalargjöldin skiptast í tvennt: *Almennt vistunargjald* fyrir allt að 8 tíma vistun frá 08:00-16:00 og *viðbótar vistungjald* fyrir kl. 08:00 og eftir kl. 16:00. Einnig er greitt sérstaklega fyrir þá skráningardaga sem eru notaðir. Greitt er fyrir morgun- og síðdegishressingu barna en annar fæðiskostnaður er gjaldfrjál. Dvalargjöld og fæðisgjöld nefnast einu nafni leikskólagjöld.



Leikskólagjöld á hverjum tíma eru innheimt samkvæmt gjaldskrá leikskóla Fjarðabyggðar sem er birt á heimasíðu sveitarfélagsins undir liðnum gjaldskrár.

Afsláttur frá dvalargjöldum er ekki veittur afturvirkur og miðast hann við þann dag sem umsókn er skilað. Þó er heimilt að leiðrétta leikskólagjöld einn mánuð afturvirkur ef foreldri hefur t.d. láðst að sækja um afslátt og öllum skilyrðum var fullnægt á þeim tíma. Leiðrétting leikskólagjalda kemur til frádráttar leikskólagjöldum næsta mánaðar eftir að leiðrétting á sér stað.

Ef leikskóla eða deild er lokað vegna manneklu eða annarra óviðráðanlegra ástæðna í hálfan dag eða meira eru gjöld fyrir þann tíma felld niður. Það sama á við af fleiri börn úr sömu fjölskyldu eru höfð heima þegar loka þarf deild vegna manneklu.

7. gr.

Innheimta leikskólagjalda

Leikskólagjöld eru innheimt mánaðarlega fyrirfram. Eindagi er 15. hvers mánaðar. Leikskólagjöld eru ekki innheimt þann mánuð sem leikskólinn er lokaður vegna sumarleyfis. Séu leikskólagjöld ógreidd á eindaga fær greiðandi sent ítrekunarbréf. Hafi krafa ekki verið greidd tveimur vikum eftir eindaga er hún færð í milliinnheimtu. Þegar krafa hefur verið send innheimtufyrirtæki er hægt að semja um og greiða skuldina hjá innheimtufyrirtæki en einnig er hægt að snúa sér til fjármálasviðs Fjarðabyggðar um ráðgjöf. Krafa sem ekki innheimtist í milliinnheimtu fer í löginnheimtu 105 dögum frá eindaga. Auk hefðbundinna dráttarvaxta fellur kostnaður við útsendingu ítrekunarbréfa og innheimtu á greiðanda.

8. gr.

Sérkennsla

Börn sem þurfa á sérstökum stuðningi/sérkennslu að halda samkvæmt mati viðurkenndra greiningaraðila fá stuðning/sérkennslu í leikskólanum að undangengnu samþykki fræðslustjóra.

Reglur þessar taka gildi við staðfestingu bæjarstjórnar þann 5. nóvember 2025 og falla þá úr gildi reglur sama efnis.

Fjarðabyggð 21. nóvember 2025


Jóna Arný Þórðardóttir
bæjarstjóri